



Siverth K. Heilmann

UKA 2022/117-1

Atassut

05. Oktober 2022

Uunga siunnersuut: Meeqqanik pinerliisimannginnermut uppersaatinik piomasqaateqartussaataaneq pillugu Inatsisartut inatsisaata allangortinnera pillugu Inatsisartut inatsisaat

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Meeqqanik pinerliisimannginnermut uppersaatinik piomasqaateqartussaataaneq Inatsisartut inatsisaata allangortinneqarnissaanik Naalakkersuisut saqqummiussaqaarnerat pillugu imatut naatsumik Atassummiit oqaaseqarfigissavarput.

Naalakkersuisut Meeqqanik pinerliisimannginnermut uppersaatinik piomasqaateqartussaataaneq UKA 2019/49-p inatsisartuni akuerineqarnikuusup ersarissaateqarluni allanguuteqalaarnissaanik siunertaqarnerat imminek ajunngilaq.

Kalaallinit Nunaannili pinerluttulerinermik inatsisit malillugu kinguaassiutitigut atonerluisoqarsimappat eqqartuussisarnermut inatsit malillugu, unnerluutiginninneq nassuerutigineqarpallu, pineqaatissinneqarneq qanoq annertutigissanersoq eqqartuussisuni aalajangerneqartarpoq. Soorunami pinerluffigineqartoq kinaassusaa, qanorlu ukioqarnera, sumi qangalu nalunaarsoqqissaarneqartarput.

Nammineq ukiorpaalussuarni politiitut kitaani tunumilu sulisimaninni inersimasut allaallu meerannguaq (pingasunik ukiulinnguaq) kinguaassiutitigut atonerlunneqarsimalluni natermiittoq utsunngui aanaartut, sanianilu naalugiarsunnguaq qiasut, angajoqqaavinillu najorneqanngitsut naammattuukanut puujunngisaannagassannut suliarisarpassuannullu ilaaginnarpoq.

Inersimasorpassuit sakkortuumik atonerlunneqarsimasut amerlaqisut unnerluutiginnittarput aammali meeraanermi niviarsiaaraappata nukappiaraappataluunniit aatsaat inersimasunngornermimi atonerlugaasimanikuunermi oqaasinnguisarneq unnerluutiginnittarnerallu manna tikillugu nalinginaasuvoq. Taamaattumik inuit pinerluffigineqarsimanermi unnerluutiginninngippata inoqartuassaaq ilisimanngisatsinnik kinguaassiutitigut allatulluunniit unioqquutitsisimagaluartunik

soorunami qulequtarineqartumut pinerliisimannginnermut uppersaammik takussutissaqarsinnaa-
nata.

Aap ukiuni makkunani mannalukillugu piffinni assigiinngitsuni, meeqqat ukiukitsut pinerliffi-
neqartarnerat nalaanneqartartut akiorniarlugillu naleqqussajuarnissat pisariaqarlunnartut ilagiin-
narpaat, taamaattumik Atassummiit suleqataassaagut.

Taamatut naatsumik Atassummiit oqaaseqarluta, suliap aappassaaneerreqartigani tusarniaanermilu
oqaaseqaataasut nalilersorluarneqarnissat kissaatigalugu ataatsimiititaliamut susassaqartumut
ingerlaqqaarnissaa inassutigaarput.

Qujanaq.